

Apesar cu MEP a laga nan na caya

GOBIERNO TIN COMPRENSION PA DESEO DI SINDICATONAN

ORANJESTAD(AAN) -- Diabierna e sindicatonan STT, SPA y SIMAR a bay reuni den nan seno pa asina fihá un postura pa cu Gobierno.

E sindicalista Anselmo Pontilius mes a declara cu e sindicatonan no por a logra nada cu e Gobierno anterior pasobra e Ministranan simplemente ta bisa cu nan no tin un bista cla ariba e situacion financiero di e pais.

Segun Pontilius, Gobierno AVP/OLA a laga sa cu nan si tin un bista ariba e situacion financiero.

No ta pasobra tin un bista ariba e situacion financiero, kiermeen cu cos ta bon.

Gobierno AVP/OLA, contrario na e Gobierno anterior, ta ehecutando un plan di maneho cu ta culmina den desaroyonan sumamente positivo pa e pais y ta demostra bon gobernacion.

Gobierno tin comprension y ta reconoce e problema di e sindicatonan. E unico cos cu Gobierno ta pidiendo e sindicatonan ta pa tin un tiki pasenshi.

Si e sindicatonan por a warda 5 aña y mey, pakico tin asina tanto pura awor. Gobierno a hiba combersacion cu diferente di e sindicatonan y a muestra nan bon cia cu mirando e si-

tuacion financiero di e pais, caminda entre otro a reduci e presupuesto di 1995 cu 100 Mion, no ta mira realizable e deseo di e sindicatonan pa e aña aki.

Gobierno a pidi e sindica-

tonan un tiki pasenshi y cu otro aña sigur nan deseonan lo worde traha ariba.

Esaki ta ehempel di bon gobernacion, caminda Gobierno ta splica e sindicatonan e situacion y ta muestra

nan cu tin un luz den horizonte. Gobierno AVP/OLA no a laga e sindicatonan na caya sino tin nan preocupacion na mente y asina e desaroyo progresa na Aruba, lo bay sinta na mesa cu nan.

Ata mas prueba di mal gobernacion

PAKICO 15 AÑA DI TAX HOLIDAY???

ORANJESTAD(AAN) -- Diabierna, Corte den Promer Instancia a trata e caso provicional cu van Trikt a entama contra Gobierno.

DIARIO den promer instante no tabata haya ta importante pa menciona number di companianan. Sin embargo, yamadanan telefonico cu a drenta na redaccion ta muestra cu nos lectornan kier sa kico realmente a pasa.

DIARIO tabata presente den Corte y por a constata cu ora e cuestion di tax holiday a worde menciona, hopi hende nan cara a cambia.

Anto pa colmo, Eddison

Briezen, tabata presente den edificio di Corte pa fungi como testigo.

Informacion cu DIARIO ta dispone di dje ta cu den e caso di Director di Asuntunan Economico lo tin mas cosnan "STRANO" a socede.

Aparentemente violando reglanan y e maneho hiba door di Gobiernoan cu Aruba a conoce pa decadanan caba, e Director di Asuntunan Economico, cu consentimiento di e Ministro di Asuntunan Economico, Eddison Briezen, lo a duna proyecto "Tierra del Sol" un periodo di 15 aña di "tax holiday".

Señores, no 10 sino 15 aña cu Tierra del Sol no mester paga belasting. E argumento tras di esaki ta cu Tierra del Sol lo inverti mionones den e proyecto.

Masha bunita. Con a para Coastal??? Coastal, un empresa cu ta invertiendo mionones y mionones, Gobierno di MEP a duna solamente 11 aña, caminda ya a kibra e maneho di e Gobiernoan caminda a stipula e maximo pa "tax holiday" na 10 aña.

Awor, MEP ta considera tur e investigacionnan aki como un persecucion politico. Wel, Wel, ta awor e puitonan a cuminsa sali for di e macuto. Ainda falta difer-

ente investigacion pa tuma lugar.

Esakinan tabata algun di e motibonan cu urgentemente Hulanda a dicidi di instalana na Aruba un Landsrecherche y tambe manda un cantidad di su hendenan pa vigila un ke otro. Ta e actitud aki, a pone cu Hulanda obligatoriamente mester a pone Aruba bao curatela. Awor cu bon gobernacion ta siguiendo su curso, Gobierno AVP/OLA ta worde acusa di ta haci persecucion politico.

Tempo lo bisa si realmente ta persecucion politico of ta persecucion di bagamunderianan politico ta tumando lugar.

LABCO
MEDICAL AND
HOME-CARE SERVICES

Cabuyastr. 6, Ponton
Tel. 26851 - 37156
Panoord di Esso Ponton

Bo lugar pa
HUUR Y BENTA
di Producto Medico

- Habon special pa patient
- Producto pa Sterilisatie
- Producto pa Therapie Oxigeno
- Saco pa Urina (3 sorto)
- Exam y Vinyl Handschoen
- Cama Manual (rails y matras)
- Papagaai
- Walkers (3 sorto)
- Baston (garoti 4 pata)
- Po-Stoel (2 sorto)
- Aluminium Kruk
- Wandelstok
- Rolstoei (3 sorto)
- Bruki pa adulto
- Catheter (3 sorto)

NOS TA HUUR PA DIA,
SIMAN OF LUNA ENTREGA
Y INSTALACION GRATIS!

SPECIAL
ONE TOUCH
MONITOR SYSTEM
pa check diabetic

AWOR SOLAMENTE AFL. 195.00

NOS MACHONAN!!!!

